



KOMUNIKADO PA PRENSA

Fecha
14 di yanüari 2016

Kolaboradó di Maneho
Corinne Leysner

Email
corinne.leysner@gobiernu.cw

TRABOUNAN DI MANTENSHON DI VEGETASHON TA KUMINSA

Willemstad – Pa medio di su organisashon Oبرانان Públiko (OW), Ministerio di Tráfiko, Transporte i Planifikashon Urbano a firma kontrakto ku dos kompania pa mantenshon i irigashon di plantashon den e areanan di Banda Abou i Banda Ariba. E kontraktonan pa mantenshon i irigashon di e vegetashon di nos infrastruktura tin un durashon di un anja.

For di 18 di yanüari 2016 e kompania Yowimco ta hasi mantenshon na Banda Abou, pa ta mas spesífiko na Kolegio Erasmo, Prins Bernardschool, Schottegatweg Noord, Kolegio Alejandro Paula, Goede Hoop, Helmin Wiels Boulevard, Rotònde Julianadorp i besindario, Don Sarto school i Plein Julianaboom (Soto).

E kompania T en M Constructie en Schoonmaakbedrijf ta hasi e trabounan di mantenshon na Banda Ariba. Bou di e tarea aki ta kai Steenrijkplein, Dr. M.L. King boulevard (na altura di Ivette Hair Fashion), Rotònde Robert Willems (Janwe) i besindario, Kaminda Brudernan di Brakapoti inkluso e parke, plantashon na Caracasbaaiweg na altura di Kaya Damasco, Caracasbaai (playa i rotònde), Bushalte Chobolobo na altura di Universal Motors, Schottegatweg Oost, Rotònde Wancho Evertsz (Zuikertuintje) i besindario, SFT bank na Zuikertuintje, Radulphuscollege, Kaya Andrew Jones na altura di SDK, Bushalte Brievengat banda di Vanddis, Ronde Klipweg na altura di Misa di Bonam.

Mediante un schema OW ta indiká na e kontratistanan na unda nan tin ku hasi e trabou di mantenshon i irigashon. OW, Departamentu di Tráfiko di Polis i e kontratistanan ta pidi tur outomobilista pa tene debito kuenta ku e trabounan di mantenshon i kore ku koutela kaminda e trabounan ta tuma luga. Tambe ta spera kompreshon i ta gradisí di antemano pa e koperashon.